

Bosna i Hercegovina
Federacija Bosne i Hercegovine
Srednjobosanski kanton / Kanton Središnja Bosna
OPĆINA FOJNICA
OPĆINSKA IZBORNA KOMISIJA FOJNICA

Broj: 29-2/20 T.M.
Fojnica, 22.07.2020.godine

O B A V I J E S T

Poštovani birači općine Fojnica,

Obavještavamo Vas da je Općinska izborna komisija Fojnica, shodno odredbama člana 18. Pravilnika o upotrebi i izradi izvoda iz Centralnog biračkog spiska i sačinjenom Planu o izlaganju izvoda iz Privremenog biračkog spiska, pristupila izlaganju Privremenog biračkog spiska za našu osnovnu izbornu jedinicu, kako bi sva zainteresovana lica imala pristup i mogli provjeriti podatke, te izvršiti njihovu ispravku kod nadležnog organa.

Izlaganje privremenog izvoda iz Centralnog biračkog spiska će se vršiti u periodu od 18.07. do 17.08.2020.godine, na pogodnim mjestima (biračka mjesta sa prethodnih izbora, prostorije mjesnih zajednica...), a uvid u isti će također biti omogućen radnim danima i u samom Centru za birački spisak, koji se nalazi u zgradi općine Fojnica, u vremenskom terminu od 07:30 do 15:30 sati, na portalu općine Fojnica www.fojnica.ba, te kod povjerenika mjesnih zajednica.

Pozivamo birače općine Fojnica, koji su na izvodima iz Privremenog biračkog spiska primjetili ime i prezime birača koji ima status umrle osobe, osobe kojoj je oduzeta poslovna sposobnost ili neke druge nedostatke, da odmah obavijeste matični ured općine Fojnica, radi pokretanja propisanih procedura kod nadležnih institucija, kako bismo imali potpuno ažuriran birački spisak za predstojeće Lokalne izbore 2020.godine, koji će se održati 15. novembra 2020.godine.

Pojašnjenje:

Centralni birački spisak je evidencija o državljanima BiH koji imaju biračko pravo u skladu sa Izbornim zakonom BiH i formira se i vodi za potrebe organizacije i provedbu izbora. Pomenuti spisak se vodi po službenoj dužnosti, te se sačinjava i vodi na osnovu podataka iz službenih evidencija o prebivalištu i boravištu državljana BiH, koje vode nadležni državni organi i na osnovu javnih isprava i podataka, koji se dobiju neposredno od građana.

Centralna izborna komisija BiH je odgovorna za tačnost, ažurnost i ukupni integritet centralnog biračkog spiska i isti se vodi na osnovu evidencije državnog organa, koji vodi registar građana BiH u skladu sa Zakonom o centralnoj evidenciji i razmjeni podataka. Nadležnom organu koji vodi evidencije o državljanima BiH u skladu sa odredbama Zakona o jedinstvenom matičnom broju, Zakona o prebivalištu i boravištu državljana BiH i Zakona o ličnoj karti državljana BiH, podatke o smrti građana starijih od 18 godina dostavljaju nadležni matični uredi i nadležno ministarstvo BiH o ispisu iz državljanstva BiH.

Nadležni matični uredi su dužni nadležnom organu koji vodi naprijed navedene službene evidencije, dostaviti sve promjene koje utiču na ažurnost centralnog biračkog spiska u pisanoj formi najkasnije u roku od sedam dana od dana kada je promjena nastala.

Ranijim odredbama Zakona o matičnim knjigama bilo je propisano da se činjenica smrti upisuje prema mjestu u kojem je nastupila smrti, a novim odredbama citiranog zakona, od 2014. godine je propisano da matične knjige umrlih će voditi općina u kojoj je posljednje prebivalište umrle osobe.

S obzirom na naprijed navedeno, sve osobe koje su umrle izvan općine Fojnica (bolnice, zavodi, ustanove, zatvori...) do 2014. godine, upisivane su u matične knjige umrlih, gdje je smrt nastupila i ti matični uredi su imali obavezu izvještaj o smrti proslijediti nadležnom MUP-u.

Ističemo da je Općinska izborna komisija Fojnica po službenoj dužnosti, još u 2016. godini pokrenula aktivnosti na ažuriranju podataka o umrlim licima koje se nalaze na biračkom spisku, te je sačinila spisak navedenih lica upisanih u birački spisak i informisala nadležne državne organe, radi pokretanja propisanih procedura, a sve u cilju ažuriranja centralnog biračkog spiska.

- Dostavljeno:

1. Web portal općine Fojnica
2. Oglasna tabla općine Fojnica
3. Centar za birački spisak
4. A/a



Mustafa Topalović
Predsjednik OIK-a Fojnica
Mustafa Topalović dipl. pravnik